

Vergogna à tè

Nantu a piaghja luminosa
Di mullizzu suminata
Ci hè tanta ghjente accatastata
Nantu a rena dulurosa.

Vergogna à tè chi vendi a terra
Vergogna à tè chi vendi a terra.

Qui ind'è u strangeru hà cumpratu
Ci hè una casa vituperia
Chi stupa nantu a miseria
Di u to locu abbandunatu.

Vergogna à tè chi vendi a terra
Vergogna à tè chi vendi a terra.

In quelle campagne brusgiate
Più mancu un cane ùn abbaghja
Magra trista la ghjandaghja
Canta e stagione malate.

Vergogna à tè chi vendi a terra
Vergogna à tè chi vendi a terra.

A rimignia in canpusantu
Trà mezu à e tombe s'hè stesa
E di u tempu l'offesa
Mena u sguardu ogni tantu.

Vergogna à tè chi vendi a terra
Vergogna à tè chi vendi a terra.

E l'estate ti vede fieru
Sbarcà à mezu à e to ruine
Cù e manere parigine
Di l'omu senza penseru.

**Vergogna à tè chi vendi a terra
Vergogna à tè chi vendi a terra.**

Un tornà più o traditore
Chi si ride di e mio pene
U sangue di le to vene
Di u soldu hà lu culore.

**Vergogna à tè chi vendi a terra
Vergogna à tè chi vendi a terra.**

Vergogna à tè.

G.P.Poletti

Canta u populu corsu